

養隨西

疴隱畚

漫漫瑣

筆錄錄



隨
隱
漫
錄

陳世崇撰

中
華
書
局

叢書集成初編

養疴漫筆（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN 7-101-00894-1/K·367

隨隱漫錄卷之一

宋 臨川隨隱 陳世崇撰

令製春秋贊云。微顯闡幽。三體五例。嚴乎成言。褒貶一字。周禮云。肇建六典。條章煥明。萬世之則。太平之基。日新云。大哉盤銘。日新其德。一盟一思。惟湯是則。自贊云。孳孳爲善。無怠講習。心思唐虞。聖道可入。又曰。私既克理。是從中則。正公則平。操則存德。日新鑑銘云。湛然厥中。惟正是守。萬醜千妍。於我何有。離卦贊云。日月麗天。德備中正。明以繼明。聖而益聖。艮云。兼山曰艮。德在知止。君子體之。思不出位。晚望云。鷗鷺歸烟渚。秋江挾晚晴。老漁閑鱖艇。坐待月華生。賞春云。珠簾翠幙。千門曉。麗日和風。萬國春。乍雨乍晴。雖莫測。無非天地發生仁。社日雨云。風催社日雨。霏霧處。處處雞豚樂祀神。見說豐年於此卜。不妨熱濕社翁巾。新涼云。新涼燈火又相親。遍閱羣書不厭勤。緩視微吟真樂處。那知宮漏夜將分。授衣云。從來人事順天時。九月纔更卽授衣。可笑索裘臨歲晚。履霜猶自未知幾。桂云。秋桂庭前露影涼。萬重深翠護深黃。恭迎雨殿臨清賞。壽學濃浮月殿香。恭和御製賜牟子才韻云。視草詞臣地位高。玉堂深夜許焚膏。文華瑞世呈儀鳳。頭問承恩直禁鼂。喜有奇才追宋軾。光膺聖製勝唐綯。重修盛典熙朝事。千古青編記寵褒。題諸色扇面云。履霜知地凍。賞雪念民寒。山嵐迷曉月。海浪起晴雲。鷺起蓮邊曉。鷗棲蓼外涼。西風歇翠蓋。曉露過紅裳。艷紅酣藏面。冷翠媚秋池。聲幽梧葉雨。香冷菊花風。院子供

新芝園丁獻異花。穠華照水澄秋靜。冷艷欺風醉露涼。一枝翠葉凝秋色。萬粟金英噴古香。月篩穠影。虛窗靜。秋染繁英淨。几香。千葉喜容迎曉日。萬鈴黃色映朝霞。日麗柳塘嬌語滑。雨收桃岸燕飛忙。暗葦堂帖子云。歸仁由克己。學道在存心。堯舜傳心惟以一。禹湯受命本乎中。凝華殿云。帝德巍巍。溫恭允塞。心傳精微。惟堯是則。觀瞻慕凝華數帖子。必有如文中子窺高祖之心於大風歌者。故敬錄之。

紫宸殿上壽三十三拜。三舞蹈。初面西立。閣門進班齊牌。上升座。鳴鞭。侍衛起居移班。北面躬身。聽贊兩拜。起。直身。指笏。三舞蹈。跪左膝。三叩頭。出笏。就一拜。又兩拜。躬身。俟班首奏聖躬萬福。再聽贊拜兩拜。移班如初。殿中監升殿。詣酒尊所。教坊起居。殿侍進御茶床。又北面躬身。聽贊拜兩拜。直身立。上公升殿。注酒。詣御座前。躬身。俛伏致詞。並躬身。俟上公降階復位。聽贊拜兩拜。起。躬身。俟樞密宣荅。聽贊拜兩拜。移班如初。上公升殿立御座東。樂作。上飲畢。上公受盞。降階復位。北面躬身。聽贊拜兩拜。舞蹈如初。不該赴座官先退。赴座官躬身。聽樞密詣折檻東宣荅。訖。聽贊拜兩拜。升階立席後。俟進酒樂作。上飲畢。舍人贊各賜酒。躬身。聽贊拜兩拜。起。贊各就坐。立如故。復贊乃坐。酒行。先上公。次百官。指笏執盞立席後。躬身飲訖。聽贊拜兩拜。復坐。食至。指笏執碟。出笏。再進酒如上。禮三行。舍人曰。可。起立席後。俟上公御座前。俛伏跪奏。復位降階。北面。聽贊拜兩拜。舞蹈如初。鳴鞭捲班。凡正旦朝賀。一十九拜。三舞蹈。初面西立。上升座。閣門起居班首以下。躬身北面。俟舍人宣名訖。聽贊拜兩拜。舞蹈如前禮。躬身。俟班首奏聖躬萬福。聽贊拜兩拜。起。直身立。俟樞密升殿。班首出班。俛伏致詞。並躬身。俟班首復位。聽贊

拜兩拜。舞蹈如初。起躬身。竢樞密承旨詣折檻東。稱有制兩拜。起躬身。竢樞密官答訖。聽贊拜兩拜。舞蹈如初。凡冬至朝賀。一十三拜。一舞蹈。初百官面西立。儀仗以下起居知閣次之。次讀奏。自舍人宣班首以下起居稱賀。北面躬身。聽贊拜兩拜。起。舞蹈如初。起躬身。竢班首奏聖躬萬福。聽贊拜兩拜。起。直身立。竢樞密升殿。班首致詞樞密答。如正旦禮。凡朔望起居。九拜。一舞蹈。初讀奏。自知閣御帶行門以下。當起居殿中侍御史大起居七拜。百官躬身。聽舍人宣班首名。北面。聽贊拜兩拜。舞蹈如初。不候贊兩拜。班首不離位。奏聖躬萬福。躬身。聽贊拜兩拜。起。躬身。聽贊。各祇候捲班。凡上殿。倫對。初面西立。舍人引北面。躬身。聽贊拜聲絕。兩拜。起。躬身。聽贊祇候。直身立。引稍前兩步。再躬身。聽贊拜兩拜。起。躬身。聽贊祇候。面西立。竢三省奏事退。引升殿。立東南角。舍人前奏銜位姓名。上殿因依引赴御座左側。身立。撝笏。當殿未出笏。叉手及橫執劄子。爲失儀。如有宣諭。卽口奏云。臣官不該殿上拜。容臣奏事畢。下殿謝恩。奏事畢。依舊路下殿。北面。不候贊。兩拜。隨班。凡謝恩。初面西立。舍人奏姓名。引北面贊兩拜。不出殿致詞。歸位。贊兩拜。舞蹈。聽贊祇候退。凡朝辭。面西立。舍人奏姓名。引北面贊兩拜。不出班。奏聖躬萬福。又贊兩拜。出班致詞。復位。又贊兩拜。贊好去。如有賜物。宜有勅。卽撝笏。舞蹈三拜。凡賜茶。引北面躬身。奏聖躬萬福。贊兩拜。贊就坐。升殿立席後。再贊乃坐。茶至。撝笏。出笏降階。贊兩拜。贊祇候退。

夫子沒。歷秦漢晉宋齊梁陳隋。至明皇始封文宣王。神宗欲加尊崇。禮臣定議。爲至神元聖帝。而李邦直者。獨曰。周室稱王。陪臣不當爲帝。於是僅加玄聖二字。異代尊崇。何預於周。果如所言。則公亦不可封。

矣。雖萬代帝王之師。何假虛名。而邦直之罪。所當筆誅。又執筆以俟。

夫子之徒三千。一貫之道。獨語曾子。而曾子一唯。幾到列聖處。大學十章。爲後世帝王治天下之律令格例。絜矩卽忠恕也。中庸一書。彌綸天地。參贊化育。孔子之道益著。而曾思位在弟子下。度皇卽位。首升侑食。舉數千載未行之典。爲億萬世將來之法。度皇之聖至矣。

西山蔡先生訓子曰。夸之一字。壞人終身。凡念虛言語。纔有夸心。卽截斷却滿招損謙受益。時乃天道。曰作事皆依本分。屈己饒人。終無悔吝。錢穀與人交關。頭頭讓人。多少生事。一切用柔道理之。若識夢道理。不做好人。天地神鬼亦深惡之。蓋不識好惡。如童稚。如醉人。雖有罪可赦。若知而故犯。王法不可免也。曰孝弟忠信。不可須臾離。若有分毫瞞人底心。天地鬼神不恕也。曰禍患中第一莫使性。氣中外事一切靜柔順理之。曰爲善得禍。乃是爲善未熟。爲惡得福。乃是爲惡未深。人事盡處。方是天理。曰欺世盜名者。無後。吾甚愼之。

延平李先生靜坐正心。以驗夫喜怒哀樂未發之前。氣象爲何如。久之而知天下之大本。真在乎是也。若夫致虛極。守靜篤。不思善。不思惡。老佛亦同此理。但有治世出世體用之不同耳。

豹死留皮。人死留名。朝事梁。暮事晉。遺下兔園冊子耳。此輩與一把筌子。未知顛倒。何益於君國。可謂儂儂兒矣。煮粥飯僧者。都頭甚操刺。六一公化俗語爲神奇者也。

蕭蕭馬鳴。靜中有動也。悠悠旆旌。動中有靜也。見軍聲而靜也。背我往矣。楊柳依依。今我來思。雨雪霏霏。

寫物態，慰人情也。張文潛謂：雞聲茅店月，人跡板橋霜，羈旅窮愁，想之在目。柳塘春水漫，花塢夕陽遲，春物融洽，人心和暢，言不能盡。張無垢謂：雪消池館初春後，人倚闌干欲暮時，盡山之情意，物之容態，可入圖畫，皆彷彿三百篇之遺意歟。

杜少陵贈衛八處士一篇，久別條達，曲盡人情，想而味之，宛然在目。下此，則馬上相逢久，人中欲認難，問姓驚初見，稱名憶舊容，乍見翻疑夢，相悲各問年，無愧前作。若戴叔倫之歲月不可問，山川何處來，青出於藍者也。

唐人詩工於下生字，走月逆行雲，芙蓉抱香死，笠卸晚峰陰，山雨慢琴絃，松涼夏健人，綠竹助秋聲，歲月換紅顏，石磴掃春雲，畫角赴邊愁，遠帆開浦烟，疎雨滿梧桐，字字穩帖，不覺其生。

上論百三十一，神聖賢文武成康獻懿元章釐景宣明昭正敬恭莊肅穆戴翼襄烈桓威勇毅克壯圉魏安定簡貞節白匡質靖真順思考昂顯和玄高光大英虞博憲堅孝忠惠德仁智慎禮義周敏信達寬理凱清直欽益良度類基慈齊深溫讓密厚純勤謙友祈廣淑儉靈榮厲比絜舒資逸逸訥思達懋宜哲察通儀純庇協端休悅綽容確恒熙洽紹世果，用之君親焉，用之臣子焉，中論十四，懷悼愍哀隱幽冲夷懼恩攜鄙愿微，用之閔傷焉，用之無後者焉，下論六十五，野夸譟伐荒場戾刺虛蕩墨僇亢于徧專輕苛介暴虐復悖凶慢忍毒惡殘孽攘頑昏驕醜油澆狙侈靡溺僞安謠詔誣誦詭奸邪懸疊危圯懦撓敗數庇斃費，用之蠻夷焉，用之小人焉。

太史梁傳昭士婦。嘗得家餉牛肉以進。昭曰。食之則犯法。告之則不可。取而埋之。宰牛之禁。自梁已然。或謂牢字從牛。或謂牛土畜也。與土宿同位。眞武爲北水神。亦與土同位。故不可食。禍福恐人。豈理也哉。吳恕齋革帥江東時。戒宰牛詩曰。中和後五日。袖香謁南臺。田夫趁雨耕。歎聲沸如雷。老守視爾農。服田亦勞哉。有牛負犁者。俄頃一週迴。無牛人代耕。四夫盡力推。四夫力雖疲。不如一牛羣。一牛當四夫。功力大如斯。農以牛爲命。愛牛如愛兒。愛兒惟恐傷。殺牛何忍爲。老守今奉勸。戒之重戒之。宰牛國有禁。殺牛天所災。留取黑牡丹。年年待花開。盧柳南却人送牛肉小簡云。昔人亦珍此味。所謂如享大牢是也。然一犛春雨。數町秋雲。既食其力。又食其肉。可乎。余不忍。敢請改命。理語讀之惻然。

西山眞先生。點先君集中警句。如關戶夜通月。掬泉朝飲星。煖曝花巖日。晴眠蘚石烟。地曠日難晚。海寬天欲浮。與子纔分手。何人更賞心。遊歸雲衲破。定起石床溫。道至無偏黨。心何有重輕。萬事豈容人有意。一春多被雨無情。舉頭莫看王侯面。失脚恐爲名利人。千古留芳惟好句。一時得意總微塵。石湖歸途云。人與西風結約來。芙蓉花氣撲吟盃。曲塘好處都行遍。帶得一身秋色回。城東看柳云。翻煖爲寒一信風。畫橋南北岸西東。春歸楊柳無私意。深淺青黃自不同。上林歸鵲云。夕陽鳴背敝殘紅。萬點飛歸傍帝宮。應是上林棲宿穩。可曾驚散月明中。友人官滿云。三年官滿水霜潔。一日春回宇宙寬。曾向廳前種楊柳。綠陰留與後人看。東園書所見云。娉婷遊女步東園。曲徑相逢一少年。不肯比肩花下過。含羞却立海棠邊。苦吟云。水驛荒寒天正霜。夜深吟苦未成章。閉門不管庭前月。分付梅花自主張。蘇

堤隱望云。荷邊清露襲人衣。風裏明蟾浴曉池。涼影潤香吟不得。手攀堤柳立多時。妾身恨不事英雄。果是英雄安有淚。初陽烘霽途。繁陰布幽林。山禽互嘲哢。爲我流好音。傾耳須臾間。已快清冷心。飛蓋何爲者。傲睨松之陰。翻然移他枝。餘弄不可尋。跋曰。學充而意廣。氣大而體不偏。用力於先聖之書。漫塘劉先生曰。觀其文。詞瞻旨遠。爲詩深於運思。使人嘉歎不足。習庵陳先生曰。僕莊騷而奴班馬。止堂黃先生曰。騷選唐宋。罔不究心。紫巖潘先生曰。出入於江西晚唐之間。而不墮於刻與率者也。惜端平以後所作。諸老不得見之。吁。

有貨炒栗人坐亡。無華秉炬云。平生辟辟剝剝。做盡萬千手腳。今朝撒手便行。這回炒得離殼。隨隱拈云。未敢相許。

辛巳八月己丑。先君方外友。清溪沅禪師。坐亡。遺偈云。六十七年。無法可說。一片雲收。澄潭皎月。隨隱拈云。年本無期。法亦何說。末後倒賊。虛空着楔。嘆。若遇波騰嶽立時。且道月在什麼處。

隨隱漫錄卷之二

晉侯受玉情內史過知其不能長世趙同獻狄俘于周不敬劉康公知其必有大咎晉侯見魯宣公不敬季文子知其不免卻錡來乞師將事不敬孟獻子知其不亡何爲成子受賑于社不敬劉康公知其不反齊高厚不敬士莊子知其不免齊侯衛侯不敬叔向知二君之必不免蔡侯不敬子產知其將死伯有不敬穆叔知其必有大咎不敬取禍如響斯荅嗚呼毋不敬其堯舜禹湯文武周孔傳心之要法歟王莽女爲平帝后帝崩莽不能強之下嫁漢兵燒未央宮后曰何面目見漢家赴火自死非特莽愧其女劉歆孔光之徒亦愧矣羊琇女惠風爲愍懷太子妃劉曜陷洛陽以賜其將喬厲仗劍大罵而死王夷甫諸人不愧乎劉禪降魏見蜀伎不悲有此間樂不思蜀之語孔明之子瞻孫尚戰死張飛之孫遵趙雲次子廣亦戰死北平王譙哭于昭烈廟先殺妻子乃自殺魏以蜀宮人賜將士李昭儀不辱自殺禪不特愧于將士亦且愧于婦人矣

晉靈公不君患宣子驍諫使鉏麇賊之麇曰賊民之主不忠棄君之命不信觸槐而死宋高祖使張偉酖舊君偉曰酖君以求生不如死乃于道自飲而卒子曰有殺身以成仁無求生以害仁此之謂也

東山之詩雨雪寒煖僕馬衣裳室家婚姻出於聖人之忠厚惻怛故能感人也楚子伐蕭師人多塞附而勉之皆如挾纊遂傳於蕭明日蕭潰亦窺見此意曹操云行行日已遠人馬同時憊托其羣臣又愧其

子愧其妾異哉。

衛青少爲平陽公主馬前奴。後貴顯。公主擇配。無踰青者。卒歸之。北齊後宮一裙之費。至直萬正。周滅其國。后妃以賣燭爲業。南唐劉承勳窮奢極侈。蓄妓樂數千。一妓價數十萬。教以藝。又數十萬服飾稱之。歸京乞食凍餒死。軍卒楊杲宗。爲丁晉公築第。丁貶海上。朝廷以第賜杲宗。劉美善鍛金。後貴顯。賜上方器。視刻工名。多美所造。嗚呼。世事纒覆。往往如此。惟德行文章。照耀今古。彼富貴者。猶蠅蟻醯鷄。豈止空言徒苦民耳。

閻樂引兵入望夷宮。二世願得一郡爲王。弗許。願得爲萬戶侯。弗許。願與妻子爲黔首。又弗許。麾其兵進。二世自殺。懷帝爲劉聰青衣行酒。愍帝執戟前導。行酒執蓋。俱不免遇害。煬帝先殺其子。索煬不許。自解練巾。授令狐行達縊殺之。全忠殺昭宗。方醉臥。遽起。單衣遶柱走。追而弑之。晉王北遷。自採木實草。棄食之。馮后陰令左右求毒藥。欲與晉王俱自殺。不果。嗚呼。君天下得其道。則富有四海。失其道。求爲匹夫而不得。況妻子乎。哀哉。

天子四學。中辟雍。南成均。北上庠。東東序。西瞽宗。學書者就上庠。學舞者就東序。學樂者就成均。天子承師問道。養三老五更。則就辟雍。帝入東學。上親貴仁。入南學。上齒貴信。入西學。（案原缺上賓貴德入北學上賁尊爵十一字。）亦太學也。

書稱后稷播時百穀。周禮農貢九穀。符志有八穀。孟子云。樹藝五穀。百穀繁。莫克知。九穀。黍稷稻粱。菰大

小豆麥麻八穀卽詩之黍稷稻粱禾麻菽麥獨五穀鄭註云黍稷菽麥麻趙岐云黍稷菽麥稻日用所急莫如稻歧說爲是黃帝用黍制律積六十四黍爲圭準之黍類首稻差小宜釀酒杜預謂菽爲豆唐本草舊註云稷卽粳也

青溪汪先生初筮長沙出錫器歸舟有錫熟水器每對之不樂妻楊氏曰吾償其直而得之者庸何傷曰居官不欲爲器皿奈何以是污我楊命投之江中始無愧色蔡京蓄國欲得知名士附己以宗子博士召力辭不就或潛問其故曰吾異時不欲附姦臣傳耳吁士大夫能勤小物故克此心也享萬鍾必以義不爲京屈特小小者爾學犬吠村莊者愧死無地

孽臣姦孽爲躁羯奴發也奉賊稱臣爲陳希烈等發也死生堪差爲新君營救均均及六等定罪發也此元子書萬世綱常之法陳所翁賦子道臣節云銀旗金甲渡巴西靈武城樓已萬幾一扎只聞元帥命五牋合待使臣歸未聞請表更追表且看黃衣換紫衣天性非由人僞滅何緣尙父結張妃六等勝如誅獨柳二張縱活亦何顏太師死後猶書法水部刑章托頤間最憶海青投藥器絕憐饒濟隱青山中與碑下姦臣懼天道何嘗不好還溪深毛塞壁立鬼怖可不懼哉

潘紫巖慨慕先隱集老子以下迄于宣靖可師者各爲小傳曰幽人景範周二十七附見者四老聃尹喜莊周列禦寇榮啓期楚狂接輿及妻長沮桀溺荷蓀荷蕢石門晨門顏回閔損曾參原憲公析哀漆雕開仲子及妻老萊子及妻公儀休披裘聞丘顏躅段干木黔婁及妻鬼谷子兩漢二十七附見者六魯

二徵士、弭勝、彭城老父、宋勝之、莊遵、李弘、鄒璞、戴良、向長、禽慶、王霸、及妻、逢萌、莊光、范丹、高鳳、臺修、梁鴻、孟光、周燮、黃憲、洪直、韓康、陳留老父、魏栢、徐穉、姜肱、及二弟、中屠蠡、郭泰、張奉、魏晉十二、附見者六、管寧、張琚、胡昭、王烈、焦先、皇甫謐、及子、方回、孫登、董京、郭文、何琦、孟陋、汜毓、徐苗、翟湯、周邵、湯子、莊陶、潛、南朝至五代十九、附見者七、戴逵、劉凝之、沈麟、朱百牢、孔顗、鄧野老、尋陽漁父、宗測、及宗人、尙之、從弟、或之、祖炳明、僧紹、阮孝緒、劉許、及族兄、猷、仲長子光、王通、衛大經、張氤、盧鴻一、張志和、鄭遨、王居嚴、張令問、及弟、亢言、及子立、宋十八、附見者六、戚同文、宗翼、陳搏、傅霖、楊朴、李潛、魏野、及子、閑、邢郭、林逋、甄棲真、劉海蟾、張俞、孔旼、高擇、种放、張堯、許勃、潘興嗣、孫侔、邵雍、成都隱者、張舉、劉臯、凡百三十二人、漢書載淮南王安以叛自刑、神仙傳以爲安丹成上昇、鷄犬舐鼎、亦得仙去、唐書紀張果自云我生堯丙子、其貌寔年六七十、未幾亦卒、神仙傳謂果生堯丙子、二萬八千歲矣、堯卽位三十四年丙子、至唐開元初、才二千八百餘年、魯魚亥豕之誤、明矣、不然、孟子載文王之地百里、蒼齊宣王、則曰文王之囿方七十里、則民居者三十里耳、

會寧郡夫人、昭儀王秋兒、順安俞修容、新興胡美人、永陽朱梅兒、資陽朱春兒、高安朱夏兒、南平朱端兒、東陽周冬兒、順政石潤兒、高平周養兒、通化聞潤兒、潯陽陳宜兒、胡安化、

初、東宮以春夏秋冬四夫人直書閣、爲最親、王能屬文、爲尤親、雖鶴骨鵲貌、但自上卽位後、萬幾之暇、批荅書聞、式克欽承、皆出其手、然則王非以色事主、度皇亦悅德者也、

庚申八月，太子請兩殿幸本宮清齋亭，賞芙蓉木犀，韶部頭陳昉兒，捧牙板歌尋，尋覓一句，上曰：愁悶之詞，非所宜聽。顧太子曰：可令陳藏一誤。一卽景撰快活聲聲慢。先臣再拜承命，五進酒而成。二進酒，數十人已羣謳矣。天顏大悅。於本宮官屬支賜外，特賜百正。兩詞曰：澄空初霽，暑退銀塘，冰壺鴈程寥漠，天闕清芬，何事早飄巖壑。花神更裁麗質，漲紅波一奩梳掠。涼影裏，簞素娥仙隊，似曾相約。閑把南北商略開時候，羞趁觀桃塔藥，綠幙黃簾，好頓膽瓶兒着。年年衆金萬斛，拒嚴霜，綿絲紈，輕秋富貴。又何妨與民同樂。明年四月九日，儲皇生辰，令述寶鼎兒。俾本宮內人羣唱爲壽。上稱得體。詞曰：虞絃清暑，佳氣葱鬱，非烟非霧。人正在東閣堂上分瑞，祥輝騰翠渚。奉玉卮，總歡呼稱頌，爭羨神光葆聚。慶誕節彌生二佛，接踵瑤池仙母。最好英慧由天賦，有仁慈寬厚襟宇。每留念修身忱意，博問謙勤，親保傅，染寶翰，鎮規隨宸畫。心授家傳有素，更吟詠形容雅頌，隱隱賡歌風度。恩重漢殿，傳觴宣付，祝恭承天語。對南薰初試，宮院笙簫競舉。但長願際昇平世，萬載皇基因覩。問寢日，候鷄鳴，舞拜龍樓深處。又明年，賜永嘉郡夫人全氏爲太子妃，錫宴畢，子妃回宮。令旨俾立成絳都春，家宴進酒詞曰：晴春媚曉，正禁苑乍煖，鶯聲嬌小。柳拂玉闌，花映朱簾，韶光早。熙朝多暇，舒長晝，慶聖主新頒飛詔。貽謀恩重，齊家有訓，萬邦儀表。偏稱宮闈歡笑，釀和氣，共結天香繚繞。侍宴回車，韶部將迎金蓮照。鷄鳴警戒，丁寧了，但管取咸常同道。東皇先報，宜男已生瑞草。若此者，餘百篇，史臣章采，稱陳藏一長短句，以清眞之不可學，老坡之可東宮應令，含情托諷，所謂曲終奏雅者耶。沉香亭清平之調，尙托汗青以傳，藏一此詞，合

太史氏書法宜牽聯得書

二十四班行門長入祇候殿前指揮左右班御龍直金鎗班銀鎗班散員散指揮骨朵直散祇候散都頭東一至五西一至二茶酒新舊四班招箭班殿直弓箭直弩直散直禁衛內殿直散鈞容直隨龍忠佐習駁直先是太祖自陳橋驛擁兵入覲長入祇候班番陸二卒長率衆拒于南門乃入自北解衣折箭誓不殺咸義不臣自縊太祖親至直舍歎曰忠義孩兒賜廟曰忠義易班曰孩兒至今孩兒班於帽子後垂頭帶二條粉青者爲世宗持服紅者習太祖登極直舍正門護以黃羅傍穿小門出入旌忠也先臣奉勅譔二侯加封續紀云生而忠舍一身以立大節歿而神歷百世以顯威靈國家賴若而人扶持風化賴若而人激勵苗旱賴若而人捍禦朝廷觀之美號邦人倚之徵福豈他祠例論哉長入祇候班番陸二侯忠義見於建隆之初福祉施於景定之後雨暘苗忠禱輒應班首小臣陳桂等以狀聞於是忠義威烈之褒忠烈德義之寵蓋所以廣解衣折箭之誓俾之與國同休者也宜刻堅珉以勸萬古皇帝以命臣藏一臣藏一再拜稽首而獻文曰太祖肇造曆數攸歸爾番爾陸忠節不移誓永有爾折箭解衣舍生取義廟食于茲後三百載愈顯靈威捍苗禦患福被髦倪爰錫徽號勸忠匪私服我休命永佑昌時

偶敗箴中得上每日賜太子玉食批數紙可膳內人所書也如酒醋白腰子三鮮筍炒鴨子烙潤鴨子燂石首魚土步辣羹海鹽蛇鮮煎三色鮮煎以烏煑湖魚糊炒田鷄鷄人字焙腰子糊煨鮎魚鱸蚌筍